



## Inatsisartut

*Aningaasaqarnermut Ataatsimiititaliaq  
Finansudvalget*

Ulloq/Dato: 28. december 2009

J.nr.: 01.31.06/09-00455

### Aningaasaqarnermut Naalakkersuisoq

#### **Pingasunngornermi ulloq 23. december 2009 Aningaasaqarnermut Ataatsimiititaliap aalajangernera pillugu Naalakkersuisunut ilisimatitsissut - Suliassaq nr. 01.31.06/09-00455**

**2010-mut kiffartuussinerit pillugit Royal Greenland A/S-imik isumaqatigiissut pillugu (Sags nr. 01.31.06/09-00455)**

#### **Naalakkersuisut inassutigaaat,**

- kiffartuussinerimik isumaqatigiissut ilanngunneqartoq kr. 10.626.000-inik aningaasartalik maannakkutut isikkoqartillugu akuersissutigineqassasoq,
- kr. 10.626.000-it konto pingaarneq 20.11.72-imit Illoqarfiit nunaqarfiillu ilaanni immikkut ittumik suliniutissanut sillimmatinit aaneqassasut.

#### **Aningaasaqarnermut Ataatsimiititaliap oqaaseqaatai**

Piffissaq qinnuteqaammik nassitsiviusoq inuiaqatigiit ineriartortinneqarnerat eqqarsaatigalugu naalakkersuinikkut qulliunerusumik anguniakkat iluanni kiffartuunneqarnissamik isumaqatigiissutit naapertuunnerpaamik aaqqissuunneqarnissaat pillugu ataatsimiititaliap Naalakkersuisunik oqaloqateqarnissaanut periarfissaqartitsinngilaq.

Aningaasaqarnermut Ataatsimiititaliap paasisinnaavaa kiffartuunneqarnissamik isumaqatigiissutit eqqarsaatigalugit qulliunerusumik aningaasatigut killiliussat aningaasanut inatsisip akuersissutigineqarneratigut aatsaat pissarsiarineqarsimmamata.

Ataatsimiititalialli taamaattoq **kaammattuutigissavaa**, Naalakkersuisut siunissami Naalakkersuisut isumaqatigiinniarnissanut aallaavissaasa suliarineqarnissaat sioqqullugu Ataatsimiititaliamik oqaloqateqartarnitik aallartitalissagaat, aallaavittut kiffartuussinissamik isumaqatigiissutit atuutilernissaat kingusinnerpaamik qaammatinik pingasunik sioqqullugu, taamaalilluni isumaqatigiissutit ilusilersorneqarnera eqqarsaatigalugu Ataatsimiititaliamit kissaataajunnartut isumaqatigiinniarnertit aallartinginnerini Naalakkersuisut isumaliutaannut ilaareersinnaaniassammata.

Kontumut pingaarnermut 20.11.72-imut oqaasertaliussami atuarneqarsinnaavoq, aningaasaliissutit atorneqassasut immikkut suliniutinut, matumanittaaq suliffissaqartitsinerimut, ilinniartitaanermi suliniutinut, nuttarnernerulersitsinissamat kiisalu nunaqarfinni illoqarfinnilu mikinerusuni allamik ilinniartitsinissamat. Taamaattorli ilanngullugu aamma atuarneqarsinnaavoq aningaasaliissutit pingaartumik sumiiffinni

aalisarnermik inuussutissarsiuqarnermi suliffeqarnerup ingerlataqarnerullu qaffasissusiata qularnaarneqarnissaannut atorniarneqassasut.

2010-mut Aningaasanut inatsimmi kontumi pingaarnermi 20.11.72-imi 15 mio. kr.-inik immikkoortitsisoqarsimavoq. AI 2009-mit 8,2 mio. kr.-it nuunneqarnerisigut konto pingaarneq 20.11.72 katillugit 23,2 mio. kr.-inik imaqalersimavoq. Aningaasanit taakkunanga Naalackersuisut qinnutigaat 10.626.000 kr.-it RG-mut kiffartuunneqarnissamik isumaqatigiissuteqarnissamut atorneqassasut 9.111.044 kr.-illu AGF-imut kiffartuunneqarnissamik isumaqatigiissummut atorneqarlutik. Aningaasaqarnermut Ataatsimiititaliap qinnuteqaatit akuerissappagit kontumi pingaarnerni 20.11.72-imi aningaasat suliniutinut allanut, soorlu ilinniartitaanermi suliniutinut, nuttarneruleersitsinissamut kiisalu suliamik allamik tigusaqarsinnaanermut ilinniartitsinerimut, atorneqarsinnaasut sinneruttussat 3,5 mio. kr.-init ikinnerulissapput.

Naalackersuisut ersersippaat nunaqarfinnut immikkoortukkuutaartumik pilersaarutip suliarineqarneranut atugassanik 1 mio. kr.-inik qinnuteqarnissaminnik isumaliuteqarlutik. Massakkuugallartoq Naalackersuisut massakorpiaq allanik pilersaaruteqanngillat ilinniartitaanermi suliniutit, nuttarneruleersitsinissap kiisalu suliamik allamik tigusaqarsinnaanermut ilinniartitsinerit ingerlanneqarnissaannut kontumit pingaarnermi aningaasanik amerlanerusunik qinnuteqarnissamut.

Ataatsimiititaliap ernummatigivaa ilinniartitaanermi suliniutit, nuttarneruleersitsinissaq kiisalu suliamik allamik tigusaqarsinnaanermut ilinniartitsinerit annerusumik ingerlanniarnaqanngimmata. Tamanna isumaqalersitsinissaq ilinniartitaanermi suliniutit, nuttarneruleersitsinissaq kiisalu suliamik allamik tigusaqarsinnaanermut ilinniartitsinerit aningaasaliissutit siunertaannut ilanngunneqarsimanerat nipangersaaniutaannaasoq. Naalackersuisut kissaatigippassuk aningaasaliissutit suliaqartitsiniutaannanut atorneqassasut, aningaasaliissutit siunertaanni ilinniartitaanermi suliniutit, nuttarneruleersitsinissaq kiisalu suliamik allamik tigusaqarsinnaanermut ilinniartitsinerit taaneqarneri oqaasiinnassapput imaqanngitsut. Tamanna ataatsimiititaliap naammaginarinngilaa.

Naalackersuisulli ataatsimiititaliamut ilisimatitsissutigaat ilinniartitaanermi suliniutit, nuttarneruleersitsinissaq kiisalu suliamik allamik tigusaqarsinnaanermut ilinniartitsinerit eqqarsaatigalugit naalackersuisoqarfiit susassaqtut akornanni suleqatigiinneq sakkortusarneqarlunilu nukittorsarneqarsimasoq, ukiunilu aggersuni suli pingaartinneqartassasoq. Tamatumunnga ilanngullugu immikkoortukkuutaartumik pilersaarummut atatillugu qulaajaalluni suliaqarnermut aallartinneqarsimasumut Naalackersuisut innersuussipput.

Ataatsimiititaliap tamanna tusaatissatut tiguaa. Ataatsimiititaliilli kontumi pingaarnermi aningaasaliissutit eqqarsaatigalugit pingaarnersiulluni tullerriaarisimaneq naatsorsuutigineqartoq taamaallaat akuerisinnaavaa *piumasaqaatitaliullugu*, Naalackersuisut immikkoortukkuutaartumik pilersaarusiornepur aamma ilinniartitaanermi, nuttarneruleersitsinissamik kiisalu suliamik allamik tigusaqarsinnaanermut ilinniartitsinissamik suliniutit tigussaasut eqqarsaatigalugit suleqatigiinnerit siumut ingerlanerat pillugu qaammatikkaartumik Ataatsimiititaliamut nalunaaruteqartarata. Ataatsimiititaliamut pingaaruteqarluinnarpoq nunap immikkoortuini assigiinngitsuni inuussutissarsiuornikkut ilinniartitaanikkullu periarfissat eqqarsaatigalugit ineriartorneq nukittorsarniarlugu iluarsaaqqinnerni aallartinneqarsimasuni siumut ingerlasoqarneranik 2010-p ingerlanerani

takusaqartoqarsinnaanissaa.

Tamatumunnga atatillugu Ataatsimiititaliap Naalakkersuisunut kaammattuutigaa isumaliutigeqqullugu kiffartuunneqarnissamik isumaqatigiissutit siunissami ilinniartitaanermi suliniutinut, nuttarnerulersitsinissamut kiisalu suliamik allamik tigusaqarsinnaanermut ilinniartitsinermut tunngasunik imaqartussanngorlugit ineriartortinneqarsinnaanersut, assersuutigalugu sulisut ineriartornissaat siunertaralugit sulisunik oqaloqateqartarnissat piunasaqaatigineqalernerisigut, taamaaliornikkut sulisut piginnaasaat, ineriartornissamut periarfissaat kissaataallu aamma qulaajarneqarsinnaammata.

### **Aningaasaqarnermut Ataatsimiititaliap aalajangerera**

Naalakkersuisut inassuteqaataat Aningaasaqarnermut Ataatsimiititaliap **akuerai** makkuninnga piunasaqaatitalerlugit:

1. RG pisussaaffilerneqassasoq nipisat tunisaanerisa nalaanni tunisassiorfiit tamanna akornutissaqanngippat ammatiinnarneqarnissaannut.
2. Isumaqatigiissummi § 5.2-mi aningaasat ingerlaarnerannik nalunaaruteqartarnermut tunngasoq pisortat siulersuisullu akissarsiaqartinneqarnerannut aningaasat qanoq amerlatigisut atorneqarsimanerannik paasissutissanik immikkut ilaqartinneqartassasoq.
3. Isumaqatigiissutip §-iisa siullianni immikkoortumi kingullermi ”allanilluunniit” oqaasertaliisimaneq erseqqissarneqassasoq. Pisariaqarpat imatut allatut oqaasertaliineq “allanilluunniit nammineq pisuussutiginnisamik” taarsiullugu atorneqarsinnaavoq.

Aningaasaqarnermut Ataatsimiititaliap sinnerlugu

Naaja Nathanielsen  
Aningaasaqarnermut Ataatsimiititaliap siulittaasua